




雷溪詩稿
卷一

特別
~ 16
3369
1







雷溪詩稿

卷一

卷一 六十七首

雷溪詩稿

磐城 雷溪西 式著

阿波 謙堂高於菟三輯

勿來關

磐南常北接壤間、山為岬今海為灣、中有寂寞
一條路、即是往時勿來關、聞昔東征源大帥、
鐵馬暮春過此地、時看關外櫻花亂、為詠三十
一文字、爾來星霜八百年、花樹已枯歌尚傳、
前九後三千戈際、英雄韻致何能然、西子今為
蓬桑客、路當古關探遺跡、欲識當年不逢春



落日寒山碑五尺、

夢歸鄉里

夢耶非夢耶、非夢意那已、久客乘火輪、勿寫
歸鄉里、鄉里春正濃、江山不改容、柳蔽野塘
綠、花環村塢封、花間逕一縷、我廬見屋宇
望之意欣欣、敲扉報時帖、時帖起出軒、弟妹
走迎門、執牛何所序、喜極遽忘言、言出說別
後、互謂相思久、鄰人適聞知、各來餽村酒、
村酒甘可斟、鄉話情自深、迨皆歡未極、遠寺
送鯨音、鯨音徹耳去、滿坐做索如、夢耶非夢

耶、燭暗不知處、

讀家書

此夕會有家書臻、細字千行太周諄、上敘時節
風霜冷、眠食只須愛汝身、下說前途要奮勵、
莫顧鄉土徒逡巡、雙親為兒軫念久、兒也早晚
能慰親、父今母今多愛懼、日居月諸乍舊親、
思之思之腸寸裂、燈前一夜淚沾巾、

至喜慙動人

客舍偶成

水少池魚困、巢空林鳥傷、秋風何慘栗、不獨

斷人腸

雲外日如擣之感
假物而發之

與舊友飲菽樓

快男兒、快男兒、與君會遇如有期、城北天竺
花樓上、團樂呼酒頻舉卮、醉氣勃々興轉發、
論鋒激切意更奇、為脫長劍攘袂舞、舞罷交唱
慷慨詩、畢竟酒無如醇良酒、本來友莫若金蘭
友、

如雲駿外日一鞭而奔走
歲晚偶成

冰霜何凜烈、此夕歲將殫、往者真堪笑、來時
豈可歎、含芳梅耐冷、養羽鶴忘寒、塊坐燈忘
下、惺然意下寬、

題畫二首

江村斜陽落、春月湧煙波、漁父維舟處、楊花
撲短策、荒驛朦朧月、半痕古樹邊、可憐千里
客、欄外聽啼鶻、

明治癸巳一月念二日、淺草烏越坊發火、
延燒頗衆雲外先生之家、亦化為烏有、余
望焰煙、自礫川寓居馳赴之、不及、慨然

而作

天含雪意日未昏，北風暴起捲蓬根。此際何者
 不警火，直令祝融逞騰霧。火勢危急誰能拯，
 燒頭爛額蹈藉奔。驚見坊中幾百戶，彈指之間
 如燎原。先生堂宇何能免，空餘孤柳護焦門。
 却喜全家無傷害，藏書千卷亦具存。別有舊公
 恩賜劍，一躍化龍香無痕。夜半升華吐奇彩，
 便認靈物此中蟠。嘻災雖災幸又幸，慶顛弔歎
 不知言。

高雲外曰此篇絕靈簡明得體字句叙別無一點
 虛構是完作也余焦門孤柳之感今猶往來於胸

6

中然劍書西全何幸加焉則西君扶掖可知耳燈
 下且唱且歎以謝深情癸巳十一月念四夜拜批

別法學士菅野善三郎

想起客臘洵寒天，殘燈照影獨蕭然。白潤東奧
 窮措大，身無完衣囊無錢。奇遇賴獲真知己，
 知己為誰君即是。雪屋幾回沽酒煖，風忘一夕
 脫衣寄。吾深感君交情周，飲而不辭衣不恥。
 斯心唯有二人知，何解朱門千金子。爾來未酬
 酒一杯，堪恨今別河之浚。嗚呼丈夫七尺值盛
 7
 世愧沈淪，豈徒憾兮終此身。君去復來京華地
 聊買美酒醉青春。

帝國議會問會

朝暎出今赫放光、曙曦谷今昇扶桑、不二峯頭
千古雪、高映鳳城表体祥、鳳城之南虎門北、
新閣講閣應聖勅、上下院宇轟巖々、左右門廡
鬱翼翼々、平旦御床龍帷開、八鑿輝々自闕來、
六百其雋迺盛服、霞舉軒々齊歷階、何以上答
帝之春、何用下副民之薦、侃侃言出至誠心、
正正講發公平見、我皇德業日益優、斯民福祉
身愈稠、日出國光人知否、將從東方照六幽、
與原田大尉泛舟於品澗釣

8

短肢垂輪夕照澗、竿頭風死暮潮間、鮮鱗多少
人休問、薄晚釣盆大月還、

讀蘇文

興廢由來古似今、三嘆讀去淚沾襟、二更深院
無人處、只有青燈知此心、

依舊寒光滿我廬、

秋夜

夢覺酒醒知幾更、枕邊燈火滅還明、空殘窓外

9

當年曾照眉山月

淒々響、半是蟲聲半雨聲、

題畫

客去哀猿急、老僧方閉庵、但看山骨瘠、孤月照寒潭、

苦熱

明治廿七年七月、朝鮮土匪起、事波及於日清、兩國將有事、流說紛々、人心洶々、然兩國相待不敢即戰、涉日數旬、時方大旱、都下炎熱若燬、一日適過鈴本清涉子、酒間戲賦似之、

雷公出笑海之東、雲氣直欲捲衡嵩、但恐中途

或銷燼、夜來列宿滿半空、雷公出笑海之西、

隱々只漫弄鼓聲、畢竟此聲亦虛喝、徒俾兒女

掩耳啼、君不見旱魃陸梁五十日、草木翠樞人

禽疾、東西雷公今若此、律令逡巡阿香逸、嗟

哉何時霹靂破山金蛇掣層雲、沛然雨來消炎鬱

陰歷九月十三日夕對月思遠征軍、時皇軍

先鋒方到義州、

數行過雁月三更、越公佳句至今清、却思長白

山南月、寒光尚應照陣營、萬里秋遍大江岸、

風霜夜半起茄聲、日東兵兒存血性、聽來那動
故御情、營中鯨飲酒半斛、乘曉欲陷九連城、
遠征賦就月方落、鐵馬昂然振鬣鳴、

十重外胆、勁健一夜持讀、

題畫

東家之婦西舍娘、夙起陌頭共採桑、桑園昨夜
疎之雨、嫩條露濃濕衣裳、輕筐盈時珠月落、
杜宇一聲曉林蒼、

又

古寺茅花亂、風霜又幾年、嫦娥曾不識、依舊

照前川

別柳友

星斗闌干滿是蒼、朔風吹雁雁高翔、壯哉今夜
別離宴、綠酒如海盈萬觴、諸君可醉我亦醉、
何掣我袂須悲傷、丈夫從來比鯤鵬、千里漫遊
是平常、况彼帝京接近地、休說渺茫各與商、
若有誓呂命駕意、大道火輪疾於驥、

辭京友

有鳥不知名、常俟羽翼成、來息南山喬木上、
睥睨扶搖九萬程、何想一旦暴翺起、其樹顛倒

其栖毀、全林今無可依枝、不還故山恐凍死、
君不見禍福窮通世上常、一時失脚何足傷、此
鳥不枉圖南志、豈伍燕雀舞短牆、

贈人外先生

鸞鶴從來恥雞群、高士亦應厭俗氛、已有白沙
青松地、何向世間問紛紜、人外先生甘人外、
銜杯微笑見浮雲、

三圍社

寂々狐王廟、梅花簪百株、冷香刺吟骨、一夜
使人癯、

雲外曰、癯字
有題亦有、

桂亭歌

豐後人某、築隱居室于其鄉、扁曰桂亭
介學順上人乞詩

君不聞清虛之府廣寒宮、四面一白玉玲瓏、階
前有桂五千尺、花吐冷香散曼曼、下栖雪膚冰
骨女、其名嫦娥有自窮、夜夜催來紫雲曲、鄉音
漏天庭驚飛鴻、開元天子一遊後、雲路迢迢誰
復通、誰料西州二百八十里、桂亭近在人寰裏
主翁未識是何人、傳云脫俗遁世士、乃想四時

絕塵埃、堪知清爽如秋水、秣吾馬今膏吾車、
好去亭下從君子、

送從軍士

明治二十七年十月二十九日、第二師團
之上征途也、吾鄉從軍者四百有餘人、
至翌月五日、火輪以次發仙臺、向于廣
島大本營、其途中列車伏憩於都下四谷
信濃坊之停車場、各三點鐘間、我舊藩
公聞之、乃賜酒食令家宰及相馬人士之
在京者出橋之、以送其行、余亦與焉、

雄風颯爽來者誰、此是吾鄉遠征兒、舊公賜酒
三千斛、酌送汝行汝休辭、唯當引滿鯨飲去、
爰親覺羅彼何為、昨夜前軍派鴨綠江上西岸、
機鋒神速誰得扞、鐵路一蹴九連摧、胡馬潰奔
胡兵亂、乘之芟斫血為煙、辦髮頭飛朝天半、
我邦上下幾千秋、偉舉有如今日不、好在汝鞋
下蹂躪、崑崙山東四百州、

丁將軍歌

魚在釜今箱在羅、丁將軍今可奈何、為項王邪
徒殺士、為李陵邪洵可恥、不若代三軍身獨死、

夜深帳裏燭光青、半盞之鴉血吹腥、日東猛士
聞墮淚、給船送櫬弔英靈、去帆一片威海曉、
風蕭々兮水杳々、

七所挂月日以器代人、未知其可否、殺一身以救
三軍吾實不得不、欽丁將軍之高義、寧以短古能
寫將軍心事、無復餘蘊、沈痛悲涼、不堪卒讀、結末
二句、殊覺神韻縹渺、此詩足以平丁將軍將軍得
此詩、亦可以瞑於泉下也

送西尾昌伯遊米國、昌伯前年遊清國、
嘻君志氣豈尋常、禹域幾年訪芥良、今又向花
旗國裡、颯輪蹴浪去平洋、彼土文物極盛美、
震輝五洲占長技、知君材識又幾層、應衣錦繡

歸鄉里

送高子虔奉職於德島中學教授之乙未九月
某日也

行矣猪城是故山、送君不用唱陽關、前程百里
杜堪賦、月白海南灣、又灣德島舊名猪水、蜂須賀氏
改之、子虔生德島、住東京
京華雖盛窄於臍、榮任好君去向西、男子不游
千里外、文章曷日吐虹霓

次西竹園之韵却寄

高謙堂

經藝多年能樂山，斯心何敢用機關。
過之雲樹人千里，思到蓮塘第一灣。
趨舍違時悔噬臍，一寒如此抵關西。
羨君健筆能飛動，詩注鬼神文吐霓。

送禪僧某歸越中

問師何意出柴扉，笑指越山東錫歸。
杖氣高澄三萬里，天邊只有白雲飛。

送尼

如法山中又築林，一朝歸去路悠々。
由來掛錫

安無地，雲白樹青六十州。

書柳陰鬼火圖

江天欲雨不見星，掠水陰風墜冷々。
百年有限半死柳，夜深憺々更捲腥。
乍怪哭聲嗽々起，人耶鬼耶夜晦暝。
但見碧燐迷古渡，燃如殘燭瘠似螢。
火光滅沒天初曙，柳下有墳草青々。
小人展圖三嘆息，難奈渾畔夕獨醒。
由來天陰鬼輒哭，楚水吳江不勝聽。
迺知人間須沽醉，醉生無怨醉死暝。
請仙孫月君聞否，騎鯨大笑入青冥。

秋聲

庭樹秋聲動、蕭々響曉雲、城中三萬戶、游子
獨先聞、

寄法蓮法師西尼、二人參河產、來在于東
都淨土尼象教場、受漢籍於余、

一自從君飛錫還、秋風早已滿荒閑、彌陀蘭若
知何處、應在白雲黃葉山、

吉岡樂堂之知人某者、慷慨士也、將航臺

灣有第功業、與樂堂、為別於城西一酒樓、

侑酒之故、撫絃唱管相和之謠、使離^被起

舞之、謠云、洋能暗伊能仁、白帆岫見由

瑠、阿禮波、紀國賣柑船、蓋紀文之故事、

某聞而慨然、余明旦過樂堂、聞之即賦、

遠洋天黑片帆白、此是紀州賣柑船、大姐并一

嬌聲歌、小姐十五舞涼涼、壯士却有斷腸處

秋風酒醒感懨多、

與樂堂飲、樂堂飲量不及余、故乃馬、

維其李請仙、陶靖節嗜愛酒、陶能飲并李飲斗

斗斜未必論其量、愛酒性均稟彼蒼、銜杯對坐

醺然醉、南山北山一樣翠、

送樂堂 明治三十年 樂堂為千葉中學校

論

往矣好男子 前途亦曷悠 俸錢沽美酒 且與
小年游

送高田慶郎 丙申仲秋 時俄人跋扈于

韓 并前年戰勝餘威 為之不憚

宮遊復上渡韓舟 一片行帆萬里秋 只恐君看
漢陽月 清光果似去年不

賀謙堂新婚席上即賦

吾與子度友 十五年于茲 其人擢而直 老蒼
松柏志 常讀前修書 好學漢魏詩 不喜杯中
物 赤心揖古奇 昨夜迎新婦 今朝掃蛾眉
金蓮自何到 遠發赤石湄 言容甚婉順 性行
便可知 之子既于歸 伉儷一相宜 正見萱堂
顏 顏色又何怡 華燭今宵酒 斗斛不敢辭
詩就頽然醉 此心匪更思 梅花方綴玉 清香
吹龍尾

次西竹園賀詩韻以述自祝之意時庚子一

月五日也

高謙堂

位儼人倫始，道源良在茲。前修明典禮，尊卑有恒姿。君子擇好述，詠在關雎詩。鄙性夙與古，未能博一奇。蓬累慣冰蘖，何處展怨眉。祇為慈親老，聘配自海湄。荆釵無傳報，才華莫足知。貞靜修婦德，饋食冀其宜。百歲諧琴瑟，糟糠寧可怡。研鑽三十載，胸中貯書癖。援乞人間世，空窮達不容思。正得齊家寶，假樂勝酒卮。

26

鐵椎筆歌

清國左君再遊我國，訪吾牛籠僑居，贈江楚會奉一本及小楷筆，管刻鐵椎二字，及重百二十斤精衛雁弟子贈十一字。時余適病在大學醫院，家弟振作，為持其贈來示，余不勝喜。病床無聊之餘，獻作此歌，將以寄左君而質之也。左君名全孝，字立達，湖南清泉縣人，自強學堂教習。

27

楚客何所思，挾來兩鐵椎。突如訪茅屋，慙慙

一柄貽、其奈吾臂瘦似蠶、非倩滄海壯士腕、
 詎勝一百廿斤重、吐哉受虛警、鐵椎實筆名、
 半寸鬼毫七寸管、指尖操之尚覺輕、雖則云輕
 靈何烈、不輸千鈞萬鈞鐵橫擊風霜飛、縱擊雷
 電擊、乱臣賊子所膽裂、天下滔滔小丈夫、維
 頑維薄堪嗟呼、一椎聊欲答客惠、極力當加頑
 薄願、楚國客、楚國客、健腕如君任撥頑、頑
 夫之頭牢於石、頑破薄裂又何加、亞洲日月有
 光華、君不見關西虎狼吃吼逞其怒、安得復過
 博浪遊瑯琊、

桂湖村曰、方今清國之勢、北塞無阻、強胡窺邊而
 士氣墜、顏蹙、無不振、故求一滄海豪士、而不可得
 也、則雷漢之有此舉、豈徒爾哉、詩絕不填、砌套語
 自見真氣、

和鐵椎筆歌拙句奉和西一老先生即乞削
 正
 粵嶠狂生左全孝

楚客哀時志縱橫、十年學書悔無成、寄託壯
 心一管筆、先聲奪人鐵錚々、嗚呼文支不逢
 時、毋為儒士為俠士、山移海塞會有期、斷
 頭臺上心不死、衣冠似雪風蕭々、博浪一去
 無知己、毛生奇男子、慷慨賦同行、稜々露
 鋒鏘、萬丈莫敢當、昔日蒙家門不容、一朝

變名從子房、與亡與有匹夫責、見義不為何
 無勇、天下擔荷在一肩、百二十斤豈為重、
 一揮如意折、再舉唾壺傾、倚馬草露布、傳
 檄攬槍平、鬼弭神螢虎豹驚、高歌凱旋入管
 城、管城自古帝王都、臥榻肯容他人睡、無
 端鑄錯徧九州、鷄首賜秦天胡醉、雍瓦喙
 筑聲哀、風雲變色舞臺開、魯連擯秦空蹈海、
 多少英雄付劫灰、安得豪筆漫遊過燕市、並
 嘆荆卿再携匕首來、
西人之忌白種猶六國之
 有虎狼之勢焉吐之
 可畏哉笑謂何如
 西人之忌白種猶六國之
 有虎狼之勢焉吐之
 可畏哉笑謂何如

廣間精舍

六月十五日

誅茅初掛錫、清淨地何靈、幽徑落花白、古邱
 疎樹青、燈挑螢上袖、磬響鳥聽經、連社許陶
 請、閑遊好叩肩、

明治癸卯初秋、浴伊豆吉奈溫泉、寓城所
 氏舍月樓六日、得五絕七首、臨去寫以留
 鴻爪焉、
 一村三十戶、四面萬重山、返顧來時路、白雲

已作關、

靈泉蒼崖下、沸溜起青煙、出谷振衣立、浩然
身欲仙、

澗水來何處、冥之絕谷間、下潭清徹底、青白
石斑之、

村人患旱魃、昨夜禱龍湫、曉雨千山暗、亂雲
飛入樓、

曲逕尋山寺、合龍幽覺佛靈、夕陽僧未返、檐角
古鐘青、

遠岫雲膚寸、須臾白幾重、欄干詩未就、失却
了2

西三峯

嵐氣罩山月、清光不滿溪、林間燈火影、落在
小橋西、

水雷夜襲

甲辰二月五日、日露園交告絕、七日我
水師北進、八日在旅順近海、露未覺也
是日露人有祭、提督斯太克招飲船將于
鄉、飲至夜分時鬪艦在黃金山砲臺下、

將校皆不在焉、我師放驅逐艦龍之、魚雷轟擊、敵狼狽開砲、我艦既無隻影矣、此為旅順海戰第一役、是役露艦多毀、以海淺之故、纔免沈沒、

白玉山邊百尺樓、黃金臺下百丈舟、舟中夜深虜卒睡、樓上興酣將軍醉、醉而舞、舞且歌、海島小兒如予何、檣外無雲霹靂起、迅疾誰能塞其耳、絃歌滅裂杯盤飛、美人殛將均驚死、是何聲、是何聲、聲歇天始明、可憐瞳々胡人目、可怪啞啞胡艦腹、破孔如洞九十圍、吞吐

寒潮空號哭、

送家弟真男從軍醉中即賦

三月初四日

飲汝於先君遺愛瓢、佩汝以祖考傳家刀、刁身三尺霜滿鏢、銳利不讓干與鏢、好去陣門試一

揮、碧眼虜頭朝碧落、平生已有家訓存、今朝

臨別復何言、軒前梅花燦似霞、釀酒清香亦堪

餞、男兒仗事在此行、春風千里赴酣戰、真男

合師團軍命先登後集馬糧於上先高崎此日來此

宿驛別

送御中健兒從軍歌

第二歸國、屬第一軍先發、吾舊中村藩人、從之者七百人、二月念七日以來、火車連發、停都下新宿驛各二時間、舊藩人士在都者、舉酒送迎九晝夜、酒敵皆舊藩邸所賜也、

征旆指何處、火輪輾之去、玄海黃海浪淘之、長白小白山重之、送爾同鄉相識友、歸爾舊公恩賜酒、好男兒、好男兒、壯士死不避、卮酒何足辭、

閉塞船隊

閉塞船隊之舉、已膾炙於人口矣、其壯烈、今古所無、非李杜大手筆、孰能狀之乎哉、

眩暈日落黃海水、壯士欲辭離歌起、誰填滄海夜移山、鬼神為之猶所難、矧坐炸藥十斛上、敢投火礮水雷間、魚龍噉之鬼啣之、海天無月點於墨、壯士去矣竟如何、燿然聲在蠻子北、

蠻子灣在麻順海口走虎尾之南、

驅逐艦接戰

三月初十日黎明、我甲乙驅逐艦隊、到

旅順口外、敵出驅逐艦六隻、邀擊、甲
艦隊以三隻、逆擊奮戰、彼我相觸、舩
舩相觸、敵艦挫斃、艦內發火、號泣
遁竄、時乙艦隊、亦遇露驅逐艦隊、乞
擊其一艦、艦之彈痕如蜂蟻、兵士殆殲
於兵石里次郎八、躍入之、斬艦長、蹴
墜海中、奪艦中還、風濤大起、破船沮
卻不許、舍而去、艦沒矣、

甲艦隊

好敵手、好敵手、一仗戰以沒勝負、日本男兒

騰氣豪、三艘敢當敵六艘、奮前咫尺分彼我、
舩與舩摩控觸炮、艦火忽蔽敵艦紅、號泣聲酸
曉海風、堪憐紫髯綠眼子、汝之技倆可知耳、

乙艦隊

敵艦逃、咄句逸、追擊疾於蒼隼疾、舩頭壯士
排玄煙、踴躍舞刃上虜舩、上虜舩斬虜將、殘
卒半為魚腹葬、巨鯨縛舩擊我艦、陽候波起曳
不趨、唉、一漏舟何足惜、天皇當賜爾水伯、

第十軍取九連城三十韻

長白雪初釋、鴨綠水湯勻、誰能絕天塹、一舉

奪保障。王師自東到，行軍何堂々，十里森壓
 岸。意氣挾風雷，虜人猶時隄。徒云何無梁，
 神兵本巨測。飛越水一方，右翼西州鎮。師十二
 左翼北方強，師團羽林作中堅。師團紅帽映日煌，
 颯發而雷擊。驅虜如簸糠，九連不足拔。一氣
 指鳳凰，敵殊敢反戰。力拒蛤蟆塘，逆丸急於
 霰。突騎紛舞槍，赴之日東士。古來下吐剛，
 千仞轉石勢。何物觸鋒銳，敵陣縱橫裂。人馬
 左右僵，枕骸千六百。累々滿路傍，窮賊雖欲
 竄。其奈已在囊，壞壘降旗白。燒村落日黃，

乃爰收彼尸，乃爰裹我創。凱歌三唱闌，暮山
 轉蒼々，烏乎是此役。輸贏豈尋常，驕虜膽如
 落。天旅威愈張，東勢長驅去。早晚舉遠陽，
 葉々滿洲野。不復伏虎狼，天涯傳捷報。今朝
 至扶桑，九衢歡聲涌。萬戶旭旗揚，吾弟方于
 役。知渠臨戰場，際也亦多矣。安問存與亡，
 北街沽斗酒。南軒引巨觴，一韻三百字。賦得
 皇猷昌，

麻將軍歌

鈴韜世推麻將軍，刮目爭看素殊燕。其奈天意

不與露、殘艦無復所用者、天吳嘯來吐霹靂、
摧破艦艦三百尺、燕領虎頭安在哉、海氣沈沈
魚龍寂、東海切休策奇功、使人不勝傷英雄、
威海衛旅順口、昔吊丁公今此公、

觀廣瀨中佐歸葬

神州正氣發雙美、苑是櫻樹人武士、武士赴乞
誰軼倫、廣瀨中佐即其人、血肉留身紅一片、
人間五聲揚世春、春深歸葬卜幽穴、素旌旖旎
鼓角咽、青山途上櫻花飛、
血肉留身紅一片、中佐已自體沈其能、兼走斯敵一
登奪中佐而去、軀中所留血肉一片而已、其士不過
給撲靈柩如雪、

二錄
負云、

南山役

甲辰五月二十六日

第二軍憲軍深入、以中斷敵軍、非拔南
山、勢不可也、而此地防禦完固、形勝
雄大、精兵守之、我軍用強攻者、為不
得已、聖壘之陷、不終日、而彼我死傷
殆萬人、旅順自是孤立矣、

爾當以死守、我當以死取、鐵網雖空壘雖深、
我於技之其何有、十九萬九兩注間、踴躍蹈屍
競相攀、凱歌一哄砲煙披、斜陽空兀鮮血山、

得刊寺役

甲辰六月十五日

西雷溪藏書

既取南山虎負嶠、奮迅更與風雷俱、雷聲破聲
相激怒、大雨是彈丸是雨、山河滅沒坤軸摧
靈柩六萬南來虜、自今千里可橫行、虎而生翼
誰能禦、

哭西少尉

少尉、名確、吾同族而先考門下也、
為人磊落剛健、是茲從第二師團、戰役
于沙河、賜功五級金鷄勳章、十月而六
知君授命日、莫氣何其雄、奮鼻鏖飛電、叱咤

鼻捲風、隆之沙河戰、震動洋西東、快捷豈徒
爾、死者有殊功、魂乘上黃菊、血色發丹楓、
高秋方傳訃、霜氣滿拂堂、

吉井少尉

七月初四日三時早、露兵數千、昏暗
龍外摩王嶺西楚之哨兵、哨兵僅四百、
擊却之、初露兵之至也、少尉吉井辭吉
在前哨、其兵三十餘人、死傷過當、令
餘象走還報本隊、獨與三四卒止戰、卒
皆敵死、少尉健鬪、午斬十六人、渾身赤

西雷溪藏書

殷、刀刃如鋸、而身不蒙一創、二勇震之
軍、

摩王嶺、天未明、胡騎突出草木鳴、男兒當死

中亦活、豈甘束手逢屠割、大刀直斫萬兵圍、

血灑偏逐電光飛、胡騎散盡天始曙、晒看刀刃

毀如鋸、曉風吹血掃殘星、摩王嶺兀數峯青、

高巨瑗曰、吉开少尉、其蓮特甚、惟有如撥之筆、故能以畫語活活寫去、其情自躍、去紙上、為之拍

原田大佐安馬碑

大佐安劍雙神駿、猛氣多年思奮迅、甲辰安有

雁月總師、正見彭彭躍前陣、駿河欲曉角聲寒、

巨瑗自起筆如萬斛源水出、不揮地而涌

星光落落射銀鞍、勝敗之決在今日、推彭巖長鳴

向奔湍、上岸一鞭雷電掣、蹄下驕然石城裂衣

更擣大樓房、遂壓蛤蟆塘、虎狼紛反噬、此地

閑來塵戰場、風雲慘澹天色變、萬礮響俾千嶽

眩、騰驤出沒毒煙間、矯若游龍舞九關、天津

終斃天白代、駭鷲縱橫不見山、薄晚虜獫胡蘆

谷、漂杵血鏃霜蹄殷、嗟為主勞為主死、戰馬

何異於戰士、兩者均是忠、休以先族敢卑視、

修禪寺畔碧山阿、爾王建碑我題歌、氣骨千柱

長不朽、應吐流霜拂星河、却想王孫轅下驥、

王繼老去竟如何、

獨眼龍歌送二領中將

懣對陵島烈紫冥傾、西軍屢處萬礮轟、將軍已輕
軀六尺、此間豈安眼一隻、一隻雖廢一隻全、
笑看俄艦騰焰煙、歸來卻泣宸眷至、天使就麻
傳恩賜、傷瘼朔方虜尚存、壯心不堪臥故園、
果然礮礮聲崔嵬、獨眼龍飛復入海、

召集令

役興 官下召集令、徵豫備後備之兵、

前後無一人之愆期者、無一人之忌避者、

48

予當時從所聞、記其實、亦可以知一斑

矣、予每為一首、感淚激之而下、

鬻菓者某去買柑、火輻且返從駿南、昨夜羽林

徵豫備、前車後車人相謔、某也亦是在軍籍、

就徵所期又所甘、但憂此柑不暇售、吾去、病

妻安能堪、車中惻之為爭買、柑子所餘無二三、

某日吾去矣、^某憂然投地雙空籃、

右役興之初、近衛軍一將校車中所見、

淳戶灣頭方落暉、秋風一片漁帆歸、帆歸蓬令

下急、村人憂慮望舟立、鼓柁還來兩壯夫、聞

49

令沙頭直上途、行者送者躡之去、空船潑刺云
尺籟、

龍野有民聚子婦、令傳渠去沽魚後、東家之友
恐愆期、岐馬揚鞭追渠走、按馬教渠先還廬、
為渠海濱留沽魚、一夕重開送迎宴、新婦入門
舅出閣、

